

**Samarqand davlat arxitektura-qurilish instituti tarkibiy tuzilmasiga  
kiradigan bo`limlar shartnomalariga  
korrupsiyaga qarshi kurashish bo'yicha moddani kiritish to'g'risida  
YO'RIQNOMA**

1. Samarqand davlat arxitektura-qurilish instituti (bundan buyon matnda institut deb yuritiladi) tomonidan tuzilgan barcha shartnomalarga (shu jumladan, oldi-sotdi, xizmat ko'rsatish shartnomalari, investitsiya bitimlari va boshqalar), korrupsiyaga qarshi modda (ushbu yo'riqnomaning 1-ilovasi) kiritilishi kerak, O'zbekiston Respublikasi qonun hujjatlari bilan tasdiqlangan va o'zgartirilishi mumkin bo'lmagan shartnomalardan mustasno.

2. Kontragentning tashabbusi bilan korrupsiyaga qarshi moddaning standart matnini o'zgartirishga, korrupsiyaga qarshi modda institut kontragenti tomonidan taklif qilgan versiyasida kiritilishiga ruxsat beriladi.

Agar institut kontragenti korrupsiyaga qarshi moddaning standart matniga tuzatishlar kiritsa, yoki korrupsiyaga qarshi modda institut kontragenti tomonidan taklif etilgan versiyada shartnomaga kiritilgan bo'lsa, shartnoma matnini tasdiqlash tartibi doirasida shartnoma tashabbuskori huquqiy bo'limga yuboriladigan hujjatlarga quyidagilarni ilova qilishi kerak:

- shartnoma bo'yicha tomonlar imzolagan korrupsiyaga qarshi moddaning standart matnida kontragent tomonidan kiritilgan o'zgarishlarni aks ettiruvchi farqlar protokoli;

- o'zaro hamkorlik va ko'rib chiqilayotgan shartnoma doirasida mazkur kontragentga nisbatan korrupsion va reputatsion (obro'i) tavakkalchiliklarni tahlil qilish natijalari asosida tuzilgan, korrupsiyaga qarshi kurashish uchun mas'ul bo'lgan shaxsning korrupsiyaga qarshi kurash bo'yicha modda matniga o'zgartirishlar kiritish imkoniyati haqida yozma xulosasi.

3. Agar institut kontragenti korrupsiyaga qarshi modda bilan to'ldiriladigan shartnomani imzolashdan bosh tortsa, shartnoma tashabbuskori tasdiqlash tartibining bir qismi sifatida yuridik boshqarmaga (yuridik maslahatchiga) yuboriladigan shartnoma matniga quyidagi hujjatlarni ilova qilishi kerak:

- kontragentning korrupsiyaga qarshi kurashish tug'risidagi moddani shartnomaga kiritishdan bosh tortganligini tasdiqlovchi hujjat nusxasi, shu jumladan:

a) shartnomaga korrupsiyaga qarshi kurashish bo'yicha moddani kiritishni rad etish sababi keltirilgan, kontragent tomonning vakolatli shaxsi tomonidan imzolangan xat;

b) tomonlar imzolangan shartnoma matniga korrupsiyaga qarshi kurashish to'g'risidagi moddani kiritishdan kontragentning bosh tortganligini aks ettiruvchi norozilik protokoli;

- Ko'rib chiqilayotgan shartnoma doirasida o'zaro hamkorlik o'rnatishda korrupsiyaga qarshi kurash uchun mas'ul bo'lgan shaxsning mazkur kontragentga nisbatan korrupsion va reputatsion (obro'i) tavakkalchiliklarni tahlil qilish natijalari asosida tuzilgan, korrupsiyaga qarshi kurash bo'yicha moddani o'z ichiga olmagan shartnoma tuzish imkoniyati haqida yozma xulosasi.

4. Shartnoma yoki qo'shimcha kelishuvni tasdiqlash bo'yicha belgilangan tartib doirasida yuridik bo'limning (yuridik maslahatchining) mas'ul xodimi shartnoma matnida korrupsiyaga qarshi kurash bo'yicha moddaning mavjudligiga (shu jumladan, u o'zgargan taqdirda, korrupsiyaga qarshi kurash uchun javobgar shaxsning roziligi), yoki kontragent korrupsiyaga qarshi moddani kiritishdan bosh tortsa 3-bandda ko'rsatilgan hujjatlar mavjudligiga, ular mavjud bo'lmagan taqdirda esa, shartnoma yoki qo'shimcha kelishuv matnida korrupsiyaga qarshi modda kiritilganligiga ishonch hosil qilishi kerak.

5. Agar shartnoma bo'yicha tomonlardan biri xodimlarning mazkur shartnomaning korrupsiyaga qarshi kurashish bo'yicha qoidalariga va yoki O'zbekiston Respublikasi qonunchiligiga zid bo'lgan xatti-harakatlariga, shu jumladan korrupsiyaga qarshi harakatlarni sodir etishga majburlash faktlariga duch kelsa, tomon bu haqda quyidagi aloqa kanallaridan biri orqali xabar berishi lozim:

- ishonch telefoni orqali **(+998) 66 237-36-25;**
- rasmiy telegram guruh orqali ko'rsating [Samdaqianticorruption](https://t.me/Samdaqianticorruption);
- rasmiy telegram bot orqali ko'rsating [@samdaqiantikorrupsiya](https://t.me/samdaqiantikorrupsiya);
- elektron pochta orqali ko'rsating [anticorruption@samdaq.edu.uz](mailto:anticorruption@samdaq.edu.uz).

### **Korrupsiyaga qarshi kurash bo'yicha modda namunasi**

1. Shartnoma bo'yicha o'z majburiyatlarini bajarishda tomonlar, shu jumladan, ularning xodimlari, kafillangan shaxslar, benefitsiarlar va shartnomani bajarish uchun jalb etiladigan biznes hamkorlar, vositachilar, pudratchilar yoki agentlar O'zbekiston Respublikasi qonunchiligi talablariga, shu jumladan korrupsiyaga qarshi kurashga rioya etilishini ta'minlaydilar, ular bevosita yoki bilvosita, shaxsan yoki uchinchi shaxslar orqali takliflar, va'dalar, hadyalar, tovlamachilik, iltimoslar, pul mablag'lari, boshqa qimmatbaho buyumlar, mol-mulk, mulkiy huquqlar yoki boshqa moddiy va yoki nomoddiy foyda olish maqsadida rozilik berish yoki biron-bir shaxsdan asossiz foyda olish, o'z lavozimlaridan noto'g'ri foydalanish yoxud boshqa noqonuniy maqsadlarga erishish uchun ularga ta'sir ko'rsatishdan tiyiladilar. Tomonlar ushbu harakatlarning oldini olish bo'yicha choralar ko'rishni kafolatlaydi.

2. Tomonlar mazkur shartnomaning korrupsiyaga qarshi kurashish bo'yicha bandlarini buzish yoki buzilish ehtimoli haqida shubha paydo bo'lganligi to'g'risida yozma ravishda (shu jumladan korporativ elektron pochadan foydalangan holda) bir-birlarini oshkora va tezkor xabardor qilishlari shart.

Shuningdek, tomonlardan birida ikkinchi tomon O'zbekiston Respublikasi qonunchiligi va yoki ushbu shartnomaning korrupsiyaga qarshi kurash bo'yicha biron-bir moddasini buzish holatini sodir etgan yoki sodir etishi mumkin bo'lganligi to'g'risida oqilona, asoslantirilgan shubhalar yuzaga kelgan taqdirda, mazkur tomon talab kelib tushgan kundan boshlab 10 (o'n) ish kuni ichida, tegishli moddalarni buzish faktini rad etuvchi yoki tasdiqlovchi izoh va ma'lumot-hujjatlarni taqdim etish to'g'risidagi talab bilan yozma so'rov yuborishga haqlidir.

Tomonlardan biri mazkur modda talablariga rioya qilmasa, shuningdek, boshqa tomondan belgilangan muddati ichida qonun buzilishi sodir bo'lmaganligi yoki sodir bo'lmasligi, shuningdek tomonning korrupsiya xavfini kamaytiruvchi chora-tadbirlarni amalga oshirganligi to'g'risida xabar olmasa, boshqa tomon mazkur bitimni bir tomonlama bekor qilish, shuningdek, uning ijrosini to'xtatib turish huquqiga ega.

3. Ushbu moddada (ko'rsatilishi shart) ko'rsatilgan asoslar bo'yicha shartnomani bir tomonlama bekor qilishni talab qilgan tomonga yetkazilgan zararlarni qoplash mazkur shartnoma moddasida ko'rsatilgan tartibda amalga oshiriladi, mazkur

moddaning majburiyatlarini buzgan tomon esa shartnomani bir tomonlama bekor qilish natijasida ko‘rilgan zararlar uchun tovon to‘lashni talab qilishga haqli emas.

4. Agar shartnoma bo‘yicha tomonlardan biri xodimlarning mazkur shartnomaning korrupsiyaga qarshi kurashish bo‘yicha qoidalariga va yoki O‘zbekiston Respublikasi qonunchiligiga zid bo‘lgan xatti-harakatlariga, shu jumladan korrupsiyaga qarshi harakatlarni sodir etishga majburlash faktlariga duch kelsa, tomon bu haqda quyidagi aloqa kanallaridan biri orqali xabar berishi lozim:

- ishonch telefoni orqali **(+998) 66 237-36-25;**
- rasmiy telegram guruh orqali ko‘rsating [Samdaqianticorruption](https://t.me/Samdaqianticorruption);
- rasmiy telegram bot orqali ko‘rsating [@samdaqiantikorrupsiya](https://t.me/samdaqiantikorrupsiya);
- elektron pochta orqali ko‘rsating [anticorruption@samdaq.edu.uz](mailto:anticorruption@samdaq.edu.uz).